

BOSNA I HERCEGOVINA  
Federacija Bosne i Hercegovine  
KANTON SARAJEVO  
OPĆNA VOGOŠĆA  
**OPĆINSKI NAČELNIK**

Broj: 03-36-1140/ 26  
Vogošća, 13.05. 2026.godine

**OPĆINSKO VIJEĆE  
V O G O Š Ć A**

**PREDLAGAČ:** Općinski načelnik

**OBRADIVAČ:** Služba za privredu, integrisani lokalni razvoj i društvene djelatnosti

**SADRŽAJ:** Informacija o radu sportskih i ostalih udruženja koja se finansiraju iz Budžeta Općine Vogošća za 2025. godinu

Dostavljamo vam Informaciju o radu sportskih i ostalih udruženja koja se finansiraju iz Budžeta Općine Vogošća za 2025. godinu.

**PREDLAGAČ  
OPĆINSKI NAČELNIK**

---

*Migdad Hasanović*

Broj: 03-36-1140/26  
Vogošća, 13.05.2026.godine

## **INFORMACIJA O RADU SPORTSKIH I OSTALIH UDRUŽENJA KOJA SE FINANSIRAJU IZ BUDŽETA OPĆINE VOGOŠĆA ZA 2025. GODINU**

U skladu sa Programom rada Općinskog vijeća Vogošća, Služba za privredu, integrisani lokalni razvoj i društvene djelatnosti, dostavlja Informaciju o rada sportskih i ostalih udruženja koja se finansiraju iz Budžeta Općine Vogošća za 2025. godinu.

Na području općine Vogošća registrovana su 54 udruženja, od kojih su 22 udruženja na sportskoj osnovi (sportski klubovi) i 32 ostalih udruženja.

U ovoj informaciji fokusiramo se na rad sportskih i ostalih udruženja, a na osnovu podataka koje je prikupila Služba i na osnovu dostavljenih pojedinačnih informacija o radu.

Razvoj sporta u Vogošći je rezultat sistemski rješenog načina finansiranja sportskih klubova, jasno definisanog javnog interesa Općine Vogošća u oblasti sporta, stalne kontrole namjenskog trošenja budžetskih sredstava, kao i značajnih budžetskih izdvajanja u sport. Osnovni pravci u kojima se razvija vogošćanski sport su: izgradnja sportske infrastrukture, sve značajnije uključivanje djece i omladine u sport, podrška mlađim selekcijama, te takmičarski rezultati kao rezultat ispravne politike u oblasti sporta.

### **SPORTSKI KLUBOVI**

Na području Općine Vogošća u 2025. godini djelovala su 24 sportska udruženja.

Općina Vogošća je, na osnovu Pravilnika o kriterijima i procedurama za sufinansiranje projekata organizacija civilnog društva sredstvima iz Budžeta Općine Vogošća, obezbijedila kontinuirano sufinansiranje projekata sportskih klubova sa područja općine Vogošća kako bi se stvorili preduslovi da se djeca i omladina sa naše općine pravilno usmjere i otrgnu od raznih poroka savremenog društva. Pored toga svim klubovima je obezbijeđeno besplatno obavljanje trenaznog i takmičarskog procesa, u kapacitetima kojima raspolaže JU „KSC“ Vogošća i na osnovu kriterija o načinu korištenja sportskih resursa i raspodjele termina.

Stvoreni su preduslovi da se ostvare ciljevi Odluke Općinskog vijeća o javnom interesu Općine Vogošća u oblasti sporta u kojoj je primat stavljen na razvojni sport sa akcentom na masovnost. Konstatujemo da je većina klubova ispoštovala odredbe ove odluke i opredjelila se na rad sa mlađim kategorijama.

U skladu sa Odlukom o javnom interesu Općine Vogošća u oblasti sporta, pravilnicima i kriterijima općina je obezbijedila materijalno – tehničku i finansijsku pomoć JU “KSC” Vogošća i sportskim organizacijama, a sve u cilju što većeg okupljanja mladih u sportskim objektima.

U novembru mjesecu donesen je novi Pravilnik o sufinansiranju sportskih organizacija sa područja općine Vogošća kao i Pravilnik o sufinansiranju kratkoročnih programa i aktivnosti nevladinih organizacija. Prije donošenja ovih pravilnika održan je sastanak sa predstavnicima sportskih klubova na kojem su upoznati sa prijedozima novih pravilnika na koje su mogli dati svoje primjedbe sugestije i prijedloge.

Novim Pravilnikom o sufinansiranju sportskih organizacija uređuju se uslovi, kriteriji i postupak za dodjelu finansijskih sredstava za redovne aktivnosti. Cilj dodjele sredstava ovim Pravilnikom je unapređenje i razvoj sporta, posebno djece i mladih, podrška organizovanom trenaznom i takmičarskom procesu, afirmacija zdravih stilova života i inkluzivnog sporta, prepoznavanje sportskih rezultata koji doprinose promociji Općine.

Pravilnikom za kratkoročne aktivnosti i programe uređuju se kriteriji, uslovi i postupak za sufinansiranje kratkoročnih programa. Cilj sufinansiranja je podrška nevladinim organizacijama u realizaciji kraćih, javno korisnih aktivnosti i programa od interesa za Općinu Vogošća, koje doprinose:

- a) unapređenju kvaliteta života građana,
- b) razvoju civilnog društva,
- c) kulturnim, sportskim, edukativnim, humanitarnim i drugim oblicima djelovanja.

Na osnovu ovih pravilnika finansijska sredstva će se dodjeljivati od 2026. godine.

Sa predstavnicima klubova su obavljani pojedinačni razgovori od strane nadležne Službe kako bi se otklonili dosadašnji nedostaci i pomoglo klubovima da što uspješnije i organizovanije djeluju.

Posebno se stavlja akcenat na pažljivijem izboru trenera koji će raditi sa mladima i insistiranju da treneri budu certificirani, a oni koji rade sa djecom da poznaju i primjenjuju pedagoške metode.

Pored toga mlađe selekcije i škole sporta dobijaju bolje uslove za rad, adekvatniju opremu i atraktivnije termine. Tretman mlađih selekcija u klubovima je znatno ozbiljniji, a saradnja sa roditeljima djece uključene u odgovarajuću sportsku disciplinu znatno bolja nego u prethodnom periodu.

U aprilu mjesecu 2025. godine donesen je novi Pravilnik o stipendiranju sportista sa područja Općine Vogošća. Na osnovu ovog pravilnika dodjeljeno je 25 sportskih stipendija za 2024. godinu, dok je Javni konkurs za dodjelu sportskim stipendija za 2025. godinu u toku.

#### **U 2025. godini na takmičarskom planu postignuti su sljedeći rezultati:**

- Rukometni klub „Vogošća“ se u sezoni 2024/2025 takmičio u Premijer ligi BiH i zauzeo šesto mjesto.
- Fudbalski klub „Unis“ i dalje ima najviše takmičarskih selekcija u općini Vogošća – ukupno 13. Seniorska selekcija se takmiči u Drugoj ligi F BiH grupa CENTAR, juniori i kadeti igraju Omladinskoj ligi BiH – II Rang takmičenja u BiH, a 10 mlađih selekcija se takmiče u ligama koje sprovodi Fudbalski savez Kantona Sarajeva.
- Košarkaški klub „Vogošća“ u 2024/2025 takmičio se u A1 Ligi BiH i zauzeo sedmo mjesto. Mlađe selekcije (minibasket, pioniri, kadeti i juniori) se takmiče u prvenstvima koje organizuje Kantonalni košarkaški savez.
- Taekwondo klub „Victory“ broji 231 aktivna člana. Nastupali su na državnim i međunarodnim takmičenjima kao i reprezentativci na Evropskim i Balkanskim prvenstvima. Na Balkanskom prvenstvu osvojili su dvije srebrne medalje i šest bronzanih medalja. Imaju četiri reprezentativke BiH koje su se takmičile na Svjetskom kadetskom prvenstvu, Evropskom kadetskom prvenstvu, Evropskom prvenstvu do 21 godine, Evropskom juniorskom prvenstvu kao i na Olimpijskim igrama mladih EYOF.
- Atletski klub „Vogošća“ trenutno ima oko 100 članova od kojih je 80 registrovano za takmičenje. U 2025. godini nastupali su na 40 takmičenja (Prvenstvu BiH, Federalnom prvenstvu, Kantonalnim prvenstvima, dvoranskim takmičenjima, međunarodnim mitinzima) samo na državnim prvenstvima u raznim disciplinama i kategorijama osvojili jsu 25 medalja. Imaju jednu reprezentativku - selekcija Mlađe juniorke.

- Bokserski klub "VOGOŠĆA" se takmičio u Prvoj ligi Federacije i zauzeli su treće mjesto. Pioniri, školarci i juniori takmičili su se u Razvojnoj ligi Federacije BiH i zauzeli Prvo mjesto. Ovaj klub u 2025. godini je imao četiri reprezentativca.
- Borilački klubovi postigli su izuzetne rezultate tako da je osvojeno mnogo medalja na raznim domaćim i međunarodnim takmičenjima. U karateu, taekwondou, judou imamo državne prvake i reprezentativce.
- Naši klubovi u svojim redovima imaju i reprezentativce BiH u svim kategorijama, što dokazuje da iz opredjeljenja da se baziramo na razvojni sport može postići i pojedinačni kvalitet, što su mnogi i prepoznali. Tako u svojim redovima reprezentativce imaju: Karate klub „Sambon“, Judo klub „Vogošća“, Takwondo klub „Vogošća“, Taekwondo klub „Victory“ Rukometni klub „Vogošća“, Bokserski klub „Vogošća“, Atletski klub „Vogošća“.

### **MATERIJALNA IZDVAJANJA ZA PODRŠKU SPORTSKIM KLUBOVIMA**

Finansijska sredstva se izdvajaju u skladu sa Pravilnikom o kriterijima i procedurama za sufinansiranje projekata organizacija civilnog društva sredstvima iz Budžeta općine Vogošća u oblasti sporta. Na osnovu ovog Pravilnika svake godine se raspiše Javni poziv za dodjelu budžetskih sredstava na koji apliciraju sportski klubovi.

Komisija za dodjelu budžetskih sredstava zajedno sa Službom razmatra pristigle aplikacije i predlaže Općinskom načelniku raspodjelu. Općinski načelnik donosi Odluku o raspodjeli finansijskih sredstava sportskim klubovima za tu godinu.

Sa svim sportskim klubovima koji su ostvarili pravo na budžetska sredstva u 2025. godini potpisan je ugovor o dodjeli sredstava.

U 2025. godini iz Budžeta Općine Vogošća za rad sportskih klubova je izdvojeno 298.500,00 KM.

U nastavku je tabelarni prikaz dodjeljenih sredstava u 2025. godini.

Redni broj	Naziv kluba	Dodjeljeno u 2025. god.
1.	Rukometni klub „VOGOŠĆA“	72.000,00
2.	Odbojkaški klub „VOGOŠĆA“	17.500,00
3.	Atletski klub „VOGOŠĆA“	10.000,00
4.	Košarkaški klub „VOGOŠĆA“	39.500,00
5.	Sportsko ribolovno društvo „VOGOŠĆA“	6.000,00
6.	Nogometni klub „OZREN“	22.500,00
7.	Fudbalski klub „UNIS“	36.000,00
8.	Šahovski klub „VOGOŠĆA“	4.000,00
9.	Bokserski klub „VOGOŠĆA“	14.000,00
10.	Karate klub „SAMBON“	18.000,00
11.	Judo klub „VOGOŠĆA“	7.500,00
12.	Kuglaški klub „VOGOŠĆA“	9.500,00
13.	Taekwondo klub „VOGOŠĆA“	9.500,00
14.	Judo klub „CHAPION“	4.500,00
15.	Gimnastički klub „OLIMP“	8.500,00
16.	Klub malog nogometa „VOGOŠĆA“	9.500,00
17.	Taekwondo klub „VICTORY“	10.000,00
	<b>U K U P N O:</b>	<b>298.500,00</b>

Dobivena sredstva iz Budžeta Općine Vogošća sva sportska udruženja su uredno opravdala, a u skladu sa Pravilnikom i planom projekta i njihove realizacije.

Iz prezentiranih podataka može se izvući zaključak kako je sport u Vogošći u stalnom razvoju. Razvoj sporta zajedničkim naporima podržavaju Općina Vogošća putem nadležne općinske službe i JU „KSC“ Vogošća.

## **OSTALA UDRUŽENJA**

Prezentirat ćemo informaciju o radu ostalih udruženja u onim segmentima za koje je Služba po zakonu i drugim propisima nadležna, a na osnovu neposrednog uvida u rad udruženja i informacija koja su dostavljeni Službi.

U toku 2025. godine u općini Vogošća je djelovalo 32 udruženja koja kategoriziramo kao ostala udruženja.

U 2025. godini nadležna Služba je redovno pratila rad ovih udruženja, podržavala i pratila realizaciju njihovih projekata kao i pomagala u rješavanju određenih problema. Ovo je grupa udruženja koja imaju raznoliki način djelovanja po svojim programskim aktivnostima i koja u svojim redovima okupljaju različite generacije i populacije od omladinaca do penzionera.

Udruženje koje ima najviše članova je Udruženje „Penzionera“, koje ujedno okuplja i kategoriju najugroženijeg dijela stanovništva i u svom članstvu imaju dosta bolesnih i iznemoglih koje u granicama svojih mogućnosti obilaze i pomažu. Planinarsko društvo „Planinar“ je dobrom organizacijom i radom uspjelo da na Planinarski dom na Motki realizuju nekoliko veoma kvalitetnih projekata.

KUD „Vogošća“ je nosilac kulturnih dešavanja i redovno učestvuju u raznim manifestacijama koje organizuju druga udruženja ili organizacije.

Žensku populaciju okuplja Udruženje „Korak više“, Udruženje „Sahan“ i Udruženje „Nova žena“.

Humanitarnim aktivnostima bavi se Crveni krst - križ i Muslimansko dobrotvorno društvo „Merhamet“, kao i Omladinsko udruženje „Tempo“.

Također, imamo udruženja koja okupljaju: lovce, frizere, invalidne osobe, radio amatere kao i udruženje za čuvanje kulturnog naslijeđa i tradicije. U predhodnim godinama redovno smo podržavali programske aktivnosti Udruženja majki djece sa posebnim potrebama „Radost života“.

Na području Općine Vogošća aktivno djeluju i dva omladinska udruženja koja se bave radom sa mladima, edukacijom, humanitarnim aktivnostima, volonterskim radom, historijsko kulturnim naslijeđem, ekološkom zaštitom, sportskim aktivnostima, te saradnjom sa osnovnim i srednjom školom.

Iz Budžeta Općine za rad ovih Udruženja u 2025. godini izdvojeno je 102.000,00 KM.

U predstojećoj tabeli dostavljamo finansijske pokazatelje koliko je navedenim udruženjima dodjeljeno sredstava iz Budžeta Općine Vogošća za 2025. godinu.

<b>r.br.</b>	<b>NAZIV UDRUŽENJA</b>	<b>Dodjeljeno u 2025. god.</b>
1.	Kulturno-umjetničko društvo "VOGOŠĆA"	<b>14.000,00</b>
2.	Udruženje "PENZIONERA"	<b>12.000,00</b>
3.	Planinarsko društvo "PLANINAR"	<b>4.500,00</b>
4.	Udruženje "KORAK VIŠE"	<b>5.000,00</b>
5.	Lovačka organizacija "LANE"	<b>6.000,00</b>
6.	Udruženje za sport i rekreaciju invalidnih lica	<b>5.000,00</b>
7.	Humanitarna organizacija „MERHAMET“	<b>4.000,00</b>
8.	Udruženje „VOGOŠĆANI“	<b>2.000,00</b>
9.	Udruženje klub frizera "RADIONICA"	<b>2.500,00</b>
10.	Radio klub "VOGOŠĆA"	<b>2.500,00</b>
11.	Udruženje "SAHAN"	<b>7.500,00</b>
12.	Udruženje "ProReha"	<b>4.000,00</b>
13.	Udruženje ljubitelja sevdaha "SEVDALINKA"	<b>4.000,00</b>
14.	Omladinsko udruženje "TEMPO"	<b>8.000,00</b>
15.	Centar za razvoj omladinskog aktivizma "CROA"	<b>3.000,00</b>
16.	Omladinsko udruženje "AKTIVA 2014"	<b>6.500,00</b>
17.	BZK "PREPOROD" Vogošća	<b>5.000,00</b>
18.	Udruženje pčelara "KOŠNICA"	<b>3.000,00</b>
19.	Udruženje "ZDRAVO ODRASTANJE"	<b>6.000,00</b>
20.	Udruženje "OAZA"	<b>1.500,00</b>
21.	Udruženje „MAK“	<b>7.000,00</b>
22.	Udruženje „STEP“	<b>3.000,00</b>
23.	Udruženje „SUMERO“	<b>2.500,00</b>
24.	Udruženje „SVRAČANI“	<b>3.000,00</b>
25.	Udruženje osoba sa cerebralnom paralizom KS	<b>2.000,00</b>
26.	Udruženje „MALI AMBASADORI“	<b>2.000,00</b>
27.	Udruženje „RADOST ŽIVOTA“	<b>2.000,00</b>
28.	Udruženje „NOTA“	<b>7.000,00</b>
29.	Udruženje „SEVDAH ZA MLADE“	<b>12.000,00</b>
30.	Udruženje „TIHOVIĆI“	<b>1.500,00</b>
	<b>UKUPNO</b>	<b>149.500,00</b>

Potpisani su ugovori sa svim udruženjima kojima su Odlukom o raspodjeli sredstava iz Budžeta općine Vogošća za 2025. godinu odobrena sredstva.

Dobivena sredstva iz Budžeta općine Vogošća sva ova udruženja su uredno opravdala u skladu sa Pravilnikom i planom projekta i njihove realizacije.

Na kraju moramo pomenuti izuzetnu saradnju RTV "Vogošća" sa svim sportskim i ostalim udruženjima, koja je redovno izvještavala građane o svim aktivnostima koja su vezana za pomenuta udruženja.

**POMOĆNICA NAČELNIKA**

---

**Jasmina Fazlić**